

ত্ৰিপুৱা হাফাঙ
ককথুম তেই হুকুম দাগিখুঙ

স-২০৩৯

আগৰতলা, ৩১ জুলাই, ২০২৫

মুখ্যমন্ত্ৰী সমীপেষু তাঙবীতাং
হাসতেঅ তঙমা কুচুক ৰেমনি সাকহামনি
সেপন' য়াচাকনানি বাৰ্গাই মন্ত্ৰি অকীৱা কক কীচাৰখা

হাসতেঅন' তাবুক কুচুক ৰেমনি সাকহামনি জত' সেপ তঙগ'। সুপাৰ স্পেশালিটিনি সেপব' ৰিজাৰ্গাই তঙগ'। কুচুক ৰেমনি সাকনাইজাকনানি বাৰ্গাই ফাতাৰ হাত থাংলায়মানি লয়নি সিমি নঙখ'ৰাই ফায়নানি নাংনাই। হাসতেঅ তঙমানি কুচুক ৰেমনি সাকহামনি সেপৰগন' য়াচাকনানি বাৰ্গাই মুখ্যমন্ত্ৰী সমীপেষু তাঙবীতাংগ' চুবাচু সানাই ফায়নায়ৰগনি থানি মন্ত্ৰি অকীৱা প্ৰফেচৰ (ডা.) মানিক সাহা অ কক কীচাৰখা।

মুখ্যমন্ত্ৰী সমীপেষু তাঙবীতাংনি ফিল ৫০ ৰেম' অ সাল'ব' মন্ত্ৰি অকীৱানি হাফাঙনি তঙথায় নগ' জীংজালবাই গীদালজাক লুকুৰগবাই দাদাক-সিদাক মালায়াই কক সাখা মন্ত্ৰি অকীৱা। হাসতেনি কীৰীঙ কীৰীঙ থায়নি সিমি চুবাচু সানাই ফায়নায়ৰগনি সাকহাম, সামুঙ-ভুমুঙৰগন' খৰাই জুদা জুদা জীংজালনি ককন' খীনাউই মন্ত্ৰি অকীৱা বৰগনি জীংজালন' সক'মৰনানি বাৰ্গাই নাংমানি য়াপিৰি ৰমখা। বিলোনীয়ানি ৰাজনগৰনি ৰত্নাবালা পাল বিনি সাজীলা সাকহাময়ানি সাকনাইজাকনানি বাৰ্গাই চুবাচু কয়ই সানখা। বীসাজীলা তাবুক মুম্বাইনি টাটা মেমোৰিয়াল হাসপাতাল' সাকনাইজাৰ্গাই তঙগ'। অবন' তীয়াই মন্ত্ৰি অকীৱা লগি লগিন' ৰত্নাবালা পালনি সাজীলানি সাকনাইজাক থানিঅ নাংমানি চুবাচু ৰিনানি বাৰ্গাই নাংমানি য়াপিৰি ৰমখা। বেলাইখে সাকহাময়া আঁজাক তেলিয়ামুড়নি সঞ্জয় পাল বিনি সাকনাইজাকনানি বাৰ্গাই চুবাচু সানখে মন্ত্ৰি অকীৱা লগি লগিন' জিবি সাকনাইনকনি মেডিকেল সুপাৰন' নাংমানি য়াপিৰি ৰমনানি বাৰ্গাই দাগিমুঙ ৰিখা। সাৰুম মনুৰাজাৰনি অভিজিৎ লস্কৰ বিনি মকল নাইজাকনানি বাৰ্গাই চুবাচুনি কয়মুঙ সানাই ফায়'। মন্ত্ৰি অকীৱা অভিজিৎনি জীংজালনি ককন' খীনাউই বিনি মকল নাইজাকনানিঅ নাংমানি য়াপিৰি ৰমখা। আবন' কাৰাইব' বাধাৰঘাটনি মৌসুমী সৰকাৰ, বড়দোয়ালীনি বাসন্তি ভৌমিকন' খৰাই তেইব' কীবাংমা লুকুৰগ মন্ত্ৰি অকীৱাবাই কক সালায়াই বৰগনি জীংজালন' সক'মৰনাত খাকচাঙমা মানজাকবাইখা।

থাংনায় ৩০ জুলাইনি অ মুখ্যমন্ত্ৰী সমীপেষু তাঙবীতাংগ' মন্ত্ৰি অকীৱানি তাঙফাঙ ড. পি কে চক্ৰবৰ্তী, সাকহাম তেই নুখুঙ হামকীৱায় নাইখুঙনি তাঙফাঙ কিৰণ গিত্যে, লুকুবসঙ হামকীৱায় তেই লুকুবসঙ ৰীঙ নাইখুঙনি তাঙফাঙ তাপস ৰায়, সাকহাম নাইখুঙনি দাগিফাঙ ডা. তপন কুমাৰ মজুমদাৰ, জিবি সাকনাইনকনি মেডিকেল সুপাৰ ডা. শঙ্কৰ চক্ৰবৰ্তী, আইজিএম সাকনাইনকনি মেডিকেল সুপাৰ ডা. দেবশ্ৰী দেববৰ্মা, অটল বিহাৰী বাজপেয়ী ৰিজিওন্যাল ক্যান্সাৰ সাকনাইনকনি মেডিকেল সুপাৰ ডা. শিৱমনি দেববৰ্মা আক'সঙ মানজাক ফায়খা।
